

定興鹿氏家譜

卷七

錫命

卷八

史傳



定興鹿氏家譜卷之七

十四世孫荃編輯

士從田閒來起家制科沐聖明之知荷恩綸之  
寵易曰大君有命開國承家顧不重哉吾家自  
光祿公釋褐登朝治行爲天下最遂乃後先相  
望以綏寵命衍慶於今金函玉簡天語煌煌敬  
而輯之非以豔閎閱也俾後之觀者念祖德庶  
幾不隕其家聲思君恩益求無忝於厥職教忠  
教孝其在斯夫紀錫命

六世祖諱府以子諱久徵貴敕封文林郎山西潞安府襄垣縣知縣配李氏敕贈孺人

七世祖諱久徵萬歷庚辰進士初任河南汝寧府息縣知縣二任山西潞安府襄垣縣知縣三任陝西道監察御史巡視北城四任江西道監察御史巡按蘇松等郡敕授文林郎以直諫追贈光祿寺少卿晉階奉議大夫配王氏敕封孺人

八世祖諱正庠生以子諱善繼貴誥封中憲大夫太常寺少卿配田氏誥贈恭人

九世祖諱善繼萬歷癸丑進士初任戶部山東司主事二任戶部河南司主事署廣東司事三任兵部職方司主事贊畫榆關軍務四任兵部員外郎五任兵部武選司郎中六任尙寶司卿七任太常寺少卿管光祿寺寺丞事誥授中憲大夫以殉城難贈大理寺卿晉階嘉議大夫配王氏誥贈恭人續配王氏誥封恭人

國朝封贈

高祖考諱化麟天啓辛酉解元以子諱盡心貴

定興縣上家言 卷七 二  
敕贈文林郎山西平陽府安邑縣知縣配孫氏  
敕封太孺人

曾祖考諱盡心以舉人任山西平陽府安邑縣  
知縣

敕授文林郎乾隆庚戌以曾孫荃官

馳贈中議大夫兩淮都轉運鹽使司運使配范氏

敕贈孺人

馳贈淑人續配顧氏

敕封孺人

馳贈淑人

洗心蔭生以子濠貴

誥封明威將軍配賈氏

誥贈恭人

賓康熙壬戌進士初任湖南郴州桂陽縣知縣

二任陝西道監察御史巡視西城三任陝西

道監察御史協理山東道事巡視西城旋掌

浙江道事

敕授文林郎以孫邁祖貴

晉贈奉政大夫配李氏

敕封孺人

晉贈宜人

鎮庠生以子聖敬貴

敕贈文林郎江西袁州府分宜縣知縣配槐氏

敕贈孺人

祖考諱璟歲貢生以子諱謙吉貴

敕贈文林郎廣東廉州府合浦縣知縣乾隆乙巳以

孫荃官

誥贈奉政大夫山西絳州直隸州知州庚戌以孫荃

官

累贈中議大夫兩淮都轉運鹽使司運使配馬氏

敕贈孺人

誥贈宜人

累贈淑人續配李氏

敕封太孺人

誥贈宜人

累贈淑人

淡康熙戊辰武進士初任山東德州衛守備二

任廣東都司

誥授明威將軍配王氏

誥贈恭人續配李氏

誥封恭人

聖楷國子生以子承祖貴

敕贈文林郎山西澤州府沁水縣知縣配左氏

敕贈孺人續配袁氏

敕封太孺人

聖權國子生以子邁祖貴

誥封奉政大夫福建道監察御史配趙氏

誥贈宜人

聖敬康熙戊子舉人任江西袁州府分宜縣知

縣

敕授文林郎配李氏

敕贈孺人

聖啓康熙壬午舉人任順德府任縣教諭

敕授修職郎配何氏

定興府上家言  
卷一  
五  
貽贈孺人

聖榮增生以長子祖蔭貴

貽贈修職郎正定府元氏縣教諭以次子祖習貴  
晉贈徵仕郎河南州判借補滎澤縣縣丞配王氏  
貽封八品太孺人

晉贈七品孺人

謙吉雍正甲辰進士初任廣東廣州府增城縣  
知縣二任廣東廉州府合浦縣知縣三任江  
南鳳陽府鳳臺縣知縣

敕授文林郎配祁氏

敕贈孺人續配趙氏

敕封孺人胡氏例封孺人

顯考諱泰吉乾隆戊午舉人任順天府文安縣  
教諭

敕授修職郎乾隆丁酉以子荃官

敕贈文林郎山西霍州靈石縣知縣乙巳以子荃官

誥贈奉政大夫山西絳州直隸州知州庚戌以子荃

官

累贈中議大夫兩淮都轉運鹽使司運使妣孟氏

敕封太孺人

誥贈宜人

累贈淑人

恆吉庠生以姪荃官

馳贈文林郎山西蒲州府永濟縣知縣配韓氏

馳封孺人

聖基康熙戊子舉人任江南鳳陽府虹縣知縣

敕授文林郎配某氏

敕封孺人

承祖乾隆辛酉舉人初任正定府贊皇縣教諭

二任山西澤州府沁水縣知縣三任陝西西

安府藍田縣知縣

敕授文林郎妻張氏

敕封孺人續娶盧氏

敕封孺人

遵祖乾隆丁巳進士歷任廣平府教授正定府

教授



定興周氏家譜 卷一  
七  
敕授文林郎妻李氏

敕贈孺人續娶李氏

敕贈孺人劉氏

敕封孺人

邁祖雍正庚戌進士初任翰林院庶吉士二任

福建道監察御史三任吏科給事中巡視西

城四任湖南督糧道五任四川分巡川北道

按察司副使

誥授中憲大夫妻王氏

誥封恭人

師祖乾隆乙丑進士初任山西平定州樂平縣

知縣二任山西平陽府洪洞縣知縣三任四

川成都府新津縣知縣

敕授文林郎妻耿氏

敕贈孺人續娶耿氏

敕封孺人

緝祖雍正乙卯舉人原任宣化府西寧縣教諭

敕授修職郎

祖蔭乾隆庚午舉人初任正定府元氏縣教諭

二任廣平府教授

敕授文林郎妻劉氏

敕贈孺人續娶酒氏

敕封孺人

祖習乾隆癸酉拔貢生初任安徽廣德州州判

二任河南滎澤縣縣丞三任山東曹縣縣丞

四任山東德州州同

敕授徵仕郎例授儒林郎妻吳氏

敕贈孺人續娶劉氏

敕封孺人

荃乾隆乙酉拔貢生初任順天府三河縣訓導

二任山西霍州靈石縣知縣三任山西蒲州

府永濟縣知縣四任山西絳州直隸州知州

五任江蘇鎮江府知府六任浙江督糧道現

任兩淮都轉運鹽使司運使

誥授中議大夫妻劉氏

敕封孺人例封淑人

請列中...

正...

...

...

...

...

...

...

...

...

...

...

...

...

...

...

...

...

...

...

...

...

兩淮都轉鹽運使司鹽運使鹿荃曾祖父母

誥命

奉

天承運

皇帝制曰嘉謨垂奕葉允昭世德之求殊寵錫公朝

益展曾孫之孝祇承新渥用報曩徽爾舉人原任

山西解州安邑縣知縣鹿盡心乃兩淮都轉運鹽

使司運使加三級鹿荃之曾祖父敦修無斁垂教

有方種德開先堂構益恢於來緒貽謨裕後箕裘

定興唐氏家譜 卷一  
克紹於前休懿矩攸彰恩施遂逮茲以覃恩賚贈  
爾爲中議大夫兩淮都轉運鹽使司運使加三級  
錫之誥命於戲四世其昌久聚德星之慶九原可  
作永承褒命之榮國典游膺家風益振

制曰綏柔佐治寵旣被於外僚貞順垂休恩聿推於  
內德特敷惠澤用播徽音爾原贈孺人范氏乃兩  
淮都轉運鹽使司運使加三級鹿荃之前曾祖母  
肅雍可範令善堪模樹慈訓於後昆爰著鍾祥之  
德傳素風於奕葉式彰詒穀之謀允作母儀庸昭

國典茲以覃恩賚贈爾爲淑人於戲九重錫慶游  
邀丹誥之褒四世承恩益煥朱幘之色勤宣令問  
用闡幽光


制曰家風積厚延介福於聞孫壺德比隆溯徽音於  
王母推恩四世增美重闡爾原封孺人顧氏乃兩  
淮都轉運鹽使司運使加三級鹿荃之曾祖母性  
質幽閒德心慈淑中珩中瑀能繼美於前徽寢熾  
寢昌直發祥於後嗣芳型不替惠澤常流茲以覃  
恩賚贈爾爲淑人於戲蘭儀可佩同垂蒼玉之聲

芝檢彌新永麗紫泥之色式承慶典永樹榮名

誥命

乾隆五十五年正月初一日

之寶



協理江南道事福建道監察御史鹿邁祖祖父  
母

誥命

奉

天承運

皇帝制曰恩敷有位晉顯秩於清班澤逮前人溯芳  
型於大父爾原任陝西道監察御史鹿賓乃協理  
江南道事福建道監察御史鹿邁祖之祖父道積  
厥躬慶流於後業守一經之訓允裕孫謀庭開再

定興縣志卷之七  
世之祥克彰祖武茲以覃恩贈爾爲奉政大夫協理江南道事福建道監察御史錫之誥命於戲穀貽旣永昭式廓於家聲寵錫彌宏賁隆施於泉壤制曰朝廷廣錫類之仁恩昭晉秩臣子遂顯揚之志源溯重闡爾協理江南道事福建道監察御史鹿邁祖之祖母李氏禮嫻內則澤裕後昆含飴早著夫恩勤祥綿華胄稱職念由於壺教慶沛新綸茲以覃恩贈爾爲宜人於戲佑啓後人不振光昌之緒褒嘉淑德永垂純備之儀

誥命

雍正十三年九月初三日

之寶

廣東廉州府合浦縣知縣鹿謙吉父母

敕命

奉

天承運

皇帝制曰求治在親民之吏端重循良教忠勵資敬之忱聿隆褒獎爾歲貢生鹿璟乃廣東廉州府合浦縣知縣鹿謙吉之父禔躬淳厚垂訓端嚴業可開先式穀乃宣猷之本澤堪啓後貽謨裕作牧之方茲以覃恩贈爾爲文林郎廣東廉州府合浦縣



知縣錫之救命於戲克承清白之風嘉茲報政用  
慰顯揚之志昭乃遺謨

制曰錫類揚休恩不殊於中外循陔追慕情無間於  
後先爾馬氏乃廣東廉州府合浦縣知縣鹿謙吉  
之前母家風肅穆內則嫻明瑀珮猶存睠芳型之  
未遠栢椿如故欣慶典之方膺茲以覃恩贈爾爲  
孺人於戲圖史有聞欲報寸心於宿草彝章丕煥  
用宏厚澤於新綸

制曰朝廷重民社之司功推循吏臣子凜冰淵之操  
教本慈幃爾李氏乃廣東廉州府合浦縣知縣鹿  
謙吉之母淑慎其儀柔嘉維則宣訓詞於朝夕不  
忘育子之勤集慶澤於門閭式被自天之寵茲以  
覃恩贈爾爲孺人於戲仰酬顧復之恩勉思撫字  
載煥絲綸之色永賁幽潛

敕命

雍正十三年九月初三日

之寶

山西絳州直隸州知州鹿荃祖父母

誥命

奉

天承運

皇帝制曰考績報循良之最用獎臣勞推恩溯積累之遺載揚祖澤爾歲貢生鹿璟廼山西絳州直隸州知州陞任江蘇鎮江府知府鹿荃之祖錫光有慶樹德務滋嗣清白之芳聲澤畱再世衍弓裘之令緒祐篤一堂茲以覃恩賜贈爾為奉政大夫山

西絳州直隸州知州錫之誥命於戲聿修念祖膺  
茂典而益勵新猷有穀詒孫發幽光而不彰潛德  
制曰冊府酬庸聿著人臣之懋績德門輯慶式昭大  
母之芳徽爾馬氏廼山西絳州直隸州知州陞任  
江蘇鎮江府知府鹿荃之前祖母箴誠揚芬珩璜  
表德職勤內助宜家久著其賢聲澤裕後昆錫類  
式承乎嘉命茲以覃恩貤贈爾爲宜人於戲播徽  
音於彤管壺範彌光膺異數於紫泥天庥永劭  
制曰冊府酬庸聿著人臣之懋績德門輯慶式昭大

母之芳徽爾李氏廼山西絳州直隸州知州陞任  
江蘇鎮江府知府鹿荃之祖母箴誠揚芬珩璜表  
德職勤內助宜家久著其賢聲澤裕後昆錫類式  
承乎嘉命茲以覃恩貤贈爾爲宜人於戲播徽音  
於彤管壺範彌光膺異數於紫泥天庥永劭

誥命

乾隆五十年正月初一日

之寶

兩淮都轉鹽運使司鹽運使鹿荃祖父母

誥命

奉

天承運

皇帝制曰表臣報績爰歸美於貽謀司士詔功必遡

原於繩武殊榮洵被積伐增華爾歲貢生馳贈奉

政大夫山西絳州直隸州知州鹿璟乃兩淮都轉

運鹽使司運使加三級鹿荃之祖父衍緒開先垂

麻裕後孫枝挺秀聿昭樹德之符世業丕昌大啓

承家之學茲以覃恩晉贈爾爲中議大夫兩淮都  
轉運鹽使司運使加三級錫之誥命於戲錫五章  
而敷澤珂里流光推三葉以承恩德門襲慶祇膺  
茂典永荷寵綬

制曰鴻恩錫類聿彰貽穀之休令範宜家益著含飴  
之媿式逢慶典爰沛殊施爾馳贈宜人馬氏乃兩  
淮都轉運鹽使司運使加三級鹿荃之前祖母度  
叶玗璜訓嫻圖史心莊體順著壺範於中閨善積  
慶餘表母儀於弈世茲以覃恩晉贈爾爲淑人於

戲播蘭陔之芳澤寵被重闈揚芝檢之徽音光流  
華胄榮章游逮德範猶存

制曰熙庶績於方州爰舉書勞之典衍餘庥於子姓  
特宏錫類之恩澤沛中朝恩馳大母爾馳贈宜人  
李氏乃兩淮都轉運鹽使司運使加三級鹿荃之  
祖母性度嫺和軌儀明淑婦功克敏早媿美於前  
徽母道敦修能鍾祥於後嗣茲以覃恩晉贈爾爲  
淑人於戲芳模久著荷象服以攸宜寵命丕承被  
鸞章而有曜益宣懿問永表幽貞

誥命

乾隆五十五年正月初一日

之寶

山西澤州府沁水縣知縣鹿承祖父母

敕命

奉

天承運

皇帝制曰求治在親民之吏端重循良教忠勵資敬之忱聿隆褒獎爾鹿聖楷乃山西澤州府沁水縣知縣鹿承祖之父禔躬淳厚垂訓端嚴業可開先式穀乃宣猷之本澤堪啓後貽謀裕作牧之方茲以覃恩贈爾為文林郎山西澤州府沁水縣知縣

定興府志卷之七  
錫命  
錫之敕命於戲克承清白之風嘉茲報政用慰顯揚之志昭乃遺謨

制曰錫類揚休恩不殊於中外循陔追慕情無閒於後先爾左氏乃山西澤州府沁水縣知縣鹿承祖之前母家風肅穆內則嫺明瑀珮猶存睠芳型之未遠栝棬如故欣慶典之方膺茲以覃恩贈爾爲孺人於戲圖史有聞欲報寸心於宿草彝章丕煥用宏厚澤於新綸

制曰朝廷重民社之司功推循吏臣子凜冰淵之操教本慈闈爾袁氏乃山西澤州府沁水縣知縣鹿承祖之母淑慎其儀柔嘉維則宣訓詞於朝夕不忘育子之勤集慶澤於門閭式被自天之寵茲以覃恩贈爾爲孺人於戲仰酬顧復之恩勉思撫字載煥絲綸之色用慰劬勞

敕命

乾隆二十六年十一月二十日

之寶

協理江南道事福建道監察御史鹿邁祖父母

誥命

奉

天承運

皇帝制曰誼篤靖共入官必資於敬功歸訓迪能仕而教之忠爰沛國恩用揚庭訓爾鹿聖權乃協理江南道事福建道監察御史鹿邁祖之父躬修士行代啓儒風抱璞自珍克毓珪璋之秀析薪能荷彌彰杞梓之良茲以覃恩封爾爲奉政大夫協理



江南道事福建道監察御史錫之誥命於戲貽令  
問於經筵義方久著珮徽章於策府禮秩加優茂  
典丕承榮名益劬

制曰移孝作忠懋簡勞臣之績推恩錫類式揚賢母  
之名載賁榮綸用宣懿範爾協理江南道事福建  
道監察御史鹿邁祖之母趙氏早嫻內則夙著閨  
型敬以從夫宜室聿昭其順德勤於訓子備官一  
本於慈祥茲以覃恩贈爾爲宜人於戲荷彩翟之  
天章徽音益暢披彤毫之仙藻惠問常流祇服寵

光永綏福履

誥命

雍正十三年九月初三日

之寶

直隸正定府元氏縣教諭鹿祖蔭父母

敕命

奉

天承運

皇帝制曰任使需才稱職志在官之美馳驅奏效報功膺錫類之仁爾鹿聖榮乃直隸正定府元氏縣教諭鹿祖蔭之父雅尚素風長迎善氣弓冶克勤於庭訓箕裘丕裕夫家聲茲以覃恩賚贈爾為修職郎錫之敕命於戲肇顯揚之盛事國典非私酬

燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾王氏乃直隸正定府元氏縣教諭鹿祖蔭之母淑範宜家令儀昌後早相夫而教子俾移孝以作忠茲以覃恩賜封爾爲八品孺人於戲賁象服之端嚴誕膺鉅典錫龍章之渙汗永表榮施

敕命

乾隆二十六年十一月二十日

之寶

廣東廉州府合浦縣知縣鹿謙吉同妻

敕命

奉

天承運

皇帝制曰分符百里必遴出宰之材報最三年爰重  
懋官之典爾廣東廉州府合浦縣知縣鹿謙吉雅  
擅才能克宣慈惠撫綏有要常深疾痛在己之心  
懷保無窮不忘顧復斯民之責茲以覃恩授爾爲  
文林郎錫之敕命於戲前勞已茂用褒製錦之能

定興鹿氏家譜 卷一  
來軫方道益勵飲冰之操

制曰良臣宣力於外効厥勤勞賢媛襄職於中膺茲  
寵錫爾廣東廉州府合浦縣知縣鹿謙吉之妻祁  
氏終溫且惠旣靜而專綦縞從夫克贊素絲之節  
蘋蘩主饋爰流彤管之輝茲以覃恩贈爾爲孺人  
於戲敬爾有官著肅雍而並美職思其內昭淑慎  
之遺徽

制曰在公必敬臣心每待助於閨闈齊體維均國典  
必疏榮於繼續爾廣東廉州府合浦縣知縣鹿謙  
吉之繼妻趙氏以順爲正無成有終柔嘉克踵乎  
前徽珩璜流譽慶澤用昭其嗣美禕翟增光茲以  
覃恩封爾爲孺人於戲如綸如綍勿忘象服之榮  
宜室宜家允副鸞書之錫

敕命

雍正十三年九月初三日

之寶

順天府三河縣教諭銜管訓導事鹿荃父母

敕命

奉

天承運

皇帝制曰任使需才稱職志在官之美馳驅奏效報功膺錫類之仁爾原任順天府文安縣教諭鹿泰吉廼順天府三河縣教諭銜管訓導事鹿荃之父雅尙素風長迎善氣弓冶克勤於庭訓箕裘丕裕夫家聲茲以覃恩馳贈爾爲修職郎順天府三河

縣教諭銜管訓導事錫之敕命於戲肇顯揚之盛事國典非私酬燕翼之深情臣心彌勵制曰奉職無愆懋著勤勞之績致身有自宜酬鞠育之恩爾孟氏乃順天府三河縣教諭銜管訓導事鹿荃之母淑範宜家令儀昌後早相夫而教子俾移孝以作忠茲以覃恩賚封爾爲八品太孺人於戲賁象服之端嚴誕膺鉅典錫龍章之渙汗用表榮施

敕命

乾隆三十六年十一月二十五日

之寶

山西霍州靈石縣知縣鹿荃父母

敕命

奉

天承運

皇帝制曰求治在親民之吏端重循良教忠勵資敬  
之忱聿隆褒獎爾鹿泰吉乃山西霍州靈石縣知  
縣鹿荃之父禔躬淳厚垂訓端嚴業可開先式穀  
乃宣猷之本澤堪啓後貽謀裕作牧之方茲以覃  
恩贈爾為文林郎山西霍州靈石縣知縣錫之敕



命於戲克承清白之風嘉茲報政用慰顯揚之志  
昭乃遺謨

制曰朝廷重民社之司功推循吏臣子凜冰淵之操  
教本慈幃爾孟氏迺山西霍州靈石縣知縣鹿荃  
之母淑慎其儀柔嘉維則宣訓詞於朝夕不忘育  
子之勤集慶澤於門閭式被自天之寵茲以覃恩  
贈爾爲孺人於戲仰酬顧復之恩勉思撫字載煥  
絲綸之色永賁幽潛

敕命

乾隆四十二年五月初二日

之寶

山西絳州直隸州知州鹿荃父母

誥命

奉

天承運

皇帝制曰求治在親民之吏端重循良教忠勵資敬之忱聿隆褒獎爾原任順天府文安縣教諭鹿泰吉廼山西絳州直隸州知州陞任江蘇鎮江府知府鹿荃之父禔躬淳厚垂訓端嚴業可開先式穀乃宣猷之本澤堪啓後貽謀裕作牧之方茲以覃

定興縣志卷之七  
恩贈爾爲奉政大夫山西絳州直隸州知州錫之  
誥命於戲克承清白之風嘉茲報政用慰顯揚之  
志昭乃遺謨

制曰朝廷重民社之司功推循吏臣子凜冰淵之操  
教本慈幃爾孟氏迺山西絳州直隸州知州陞任  
江蘇鎮江府知府鹿荃之母淑慎其儀柔嘉維則  
宣訓詞於朝夕不忘育子之勤集慶澤於門閭式  
被自天之寵茲以覃恩贈爾爲宜人於戲仰酬顧  
復之恩勉思撫字載煥絲綸之色永賁幽潛

誥命

乾隆五十年正月初一日

之寶

兩淮都轉鹽運使司鹽運使鹿荃父母

誥命

奉

天承運

皇帝制曰夙夜宣勞事君資於事父雲霄布澤教孝實以教忠特賁絲綸用光闕閱爾舉人原任順天府文安縣教諭贈奉政大夫山西絳州直隸州知州鹿泰吉乃兩淮都轉運鹽使司運使加三級鹿荃之父操修淳篤矩範嚴明術在詩書克啓趨庭

定興府志卷之七  
之訓業恢堂構實開作室之模茲以覃恩晉贈爾  
爲中議大夫兩淮都轉運鹽使司運使加三級錫  
之誥命於戲錫天府之徽章殊榮下逮際人倫之  
盛美茂典欽承祇服誥詞永光譽問

制曰家聲昌大夙彰式穀之休壺教賢明不替樹護  
之慕適逢上慶用錫殊榮爾原贈宜人孟氏乃兩  
淮都轉運鹽使司運使加三級鹿荃之母敦習禮  
規恪循箴訓寢門治業著恆德於貞心閨塾授經  
寓慈風於雅範茲以覃恩晉贈爾爲淑人於戲恩  
能育子挺杞梓之良材善必稱親被笄珈之茂寵  
祇承嘉獎永播徽音

誥命

乾隆五十五年正月初一日

之寶

山西蒲州府永濟縣知縣鹿荃叔父母

敕命

奉

天承運

皇帝制曰誼篤靖共入官必資於敬功歸訓迪能仕而教之忠爰沛國恩用揚家訓爾鹿恆吉迺山西蒲州府永濟縣知縣鹿荃之叔父躬修士行代啓儒風抱璞自珍克毓珪璋之秀儲材足用聿彰杞梓之良茲以覃恩賜贈爾爲文林郎山西蒲州府

定興縣知縣錫之敕命於戲貽令問於經筵義方  
久著佩徽章於策府禮秩加優茂典丕承榮名久  
劭

制曰家有孝慈之範美以相繼而彰國崇褒錫之文  
恩以並推而厚爾韓氏迺山西蒲州府永濟縣知  
縣鹿荃之叔母德可相夫教能啓後一堂環珮和  
音克著其慈祥五夜機絲內治聿昭其柔順茲以  
覃恩賙贈爾爲孺人於戲溥一體之榮施鸞章賁  
彩表同心於訓迪象服分光

敕命

乾隆四十五年正月初一日

之寶





方道益勵飲冰之操

制曰良臣宣力於外効厥勤勞賢媛襄職於中膺茲寵錫爾原任山西澤州府沁水縣知縣鹿承祖之妻張氏終溫且惠旣靜而專綦縞從夫克贊素絲之節蘋蘩主饋爰流彤管之輝茲以覃恩贈爾爲孺人於戲敬爾有官著肅雍而並美職思其內昭淑慎之遺徽

制曰在公必敬臣心每待助於閨闈齊體維均國典必疏榮於繼續爾原任山西澤州府沁水縣知縣鹿承祖之繼妻盧氏以順爲正無成有終柔嘉克踵乎前徽珩璜流譽慶澤用昭其嗣美翟禕增光茲以覃恩封爾爲孺人於戲如綸如綍勿忘象服之榮宜室宜家允副鸞書之錫

敕命

乾隆二十六年十一月二十日

之寶

山西平陽府洪洞縣知縣鹿師祖同妻

敕命

奉

天承運

皇帝制曰分符百里必遴出宰之材報最三年爰重  
懋官之典爾原任山西平陽府洪洞縣知縣鹿師  
祖雅擅才能克宣慈惠撫綏有要常深疾痛在己  
之心懷保無窮不忘顧復斯民之責茲以覃恩授  
爾為文林郎於戲前勞已茂用褒製錦之能來軫

方道益勵飲冰之操

制曰良臣宣力於外効厥勤勞賢媛襄職於中膺茲寵錫爾原任山西平陽府洪洞縣知縣鹿師祖之妻耿氏終溫且惠旣靜而專綦縞從夫克贊素絲之節蘋蘩主饋爰流彤管之輝茲以覃恩贈爾爲孺人於戲敬爾有官著肅雍而並美職思其內昭淑慎之遺徽

制曰在公必敬臣心每待助於庭幃齊體維均國典必疏榮於繼續爾山西平陽府洪洞縣知縣鹿師祖之繼妻耿氏以順爲正無成有終柔嘉克踵乎前徽珩璜流譽慶澤用昭其嗣美禕翟增光茲以覃恩封爾爲孺人於戲如綸如綍勿忘象服之榮宜室宜家允副鸞書之錫

敕命

乾隆二十六年十一月二十日

之寶

山西霍州靈石縣知縣鹿荃同妻

敕命

奉

天承運

皇帝制曰分符百里必遴出宰之材報最三年爰重懋官之典爾山西霍州靈石縣知縣鹿荃雅擅才能克宣慈惠撫綏有要常深疾痛在己之心懷保無窮不忘顧復斯民之責茲以覃恩授爾為文林郎錫之敕命於戲前勞已茂用褒製錦之能來軫

方道益勵飲冰之操

制曰良臣宣力於外効厥勤勞賢媛襄職於中膺茲  
寵錫爾山西霍州靈石縣知縣鹿荃之妻劉氏終  
温且惠既靜而專綦縞從夫克贊素絲之節蘋蘩  
主饋爰流彤管之輝茲以覃恩封爾為孺人於戲  
敬爾有官著肅雍而並美職思其內迪黽勉以同  
心

敕命

乾隆四十二年五月初二日

之寶

兩淮都轉運鹽使司運使鹿荃

敕書

皇帝敕諭兩淮都轉運鹽使司運使茲以鹽賦國計攸關亟須清理命爾以道臣體統行事務要約束衙門官吏胥役俾恪遵法紀無致作弊生事擾害商民該司本源既正方可表率僚屬用循職業爾宜招集商人徵核正課應行引日務立簡明則例以示綏懷仍嚴察場竈戶丁稽核派銷斤引飭捕役以緝私鹽省虛費以速徵納剔侵蠹以疏積壅

察照近日戶部覆議鹽政逐款舉行凡行鹽地方該管州縣悉聽管理兼管下河水利其鹽場火伏及三江青山二營暨各委巡備弁兵役並各處鹽義倉穀俱歸爾鈐束經管至各處運鹽河道閘壩凡與河防宜洩漕運攸關之處遇有挑浚修理工程爾同淮揚道會核詳辦所屬各官如有貪污溺職縱役侵漁應審問者先行審問應劾奏者呈報巡鹽御史劾奏敕中開載未盡事宜有應斟酌損益裕國便商者呈報巡鹽御史商確妥當具奏施行爾仍聽巡鹽御史並該督撫考成舉劾爾受茲委任當持廉秉公釐奸剔弊務使商竈輻輳國課充裕斯稱厥職如或貪黷乖張耗蠹叢生病商虧課國憲具在必不輕貸爾其慎之故敕

定興鹿氏家譜卷之八

十四世孫荃編輯

國史之有列傳所以勵臣節而示來茲例至嚴也先忠節公以殉城難褒之卹典報之俎豆史傳敘其生平理學事蹟歷歷如畫而且首述光祿公惠政直節導崑崙至太公之義而下逮解元公之孝一篇之中後先濟美嗚呼是所謂死而不朽也邑乘諸傳則又與國史相輝映者敬登諸譜觀者可以興已紀史傳



明史列傳

鹿善繼字伯順定興人祖久徵萬歷中進士授息縣知縣時詔天下度田各署上中下壤息獨以下田報曰度田以紓民乃病民乎調襄垣擢御史以言事謫澤州判官遷滎澤知縣未任而卒父正苦節自礪縣令某欲見之方糞田投鍤而往急人之難傾其家不惜遠近稱鹿太公善繼端方謹愨由萬歷四十一年進士授戶部主事內艱除起故官遼左餉中絕廷臣數請發帑不報會廣東進金花銀善繼稽舊制金花

貯庫備各邊應用乃奏記尙書李汝華曰與其請不發之帑何如畱未進之金汝華然之帝怒奪善繼俸一年趣補進善繼持不可以死爭乃奪汝華俸二月降善繼一級調外汝華懼卒補銀進泰昌改元復原官典新餉連疏請帑百萬不報天啓元年遼陽陷以才改兵部職方主事大學士孫承宗理兵部事推心任之及閱視關門以善繼從出督師復表爲贊畫布衣羸馬出入亭障閒延見將卒相勞苦拓地四百里收復城堡數十承宗倚之若左右手在關四年累進

員外郎郎中承宗謝事善繼亦告歸先是楊左之獄起魏大中子學伊左光斗弟光明先後投鹿太公家太公客之與所善義士容城舉人孫奇逢謀持書走關門告其難於承宗承宗善繼謀借巡視薊門請入覲奄黨大譁謂閣部將提兵清君側嚴旨阻之獄益急五日一追賊榜掠甚酷太公急募得數百金輸之而兩人者則皆已斃矣至是善繼歸而周順昌之獄又起順昌善繼同年生善繼又爲募得數百金金入而順昌又斃奄黨居近善繼家難家子弟僕從相望

於道太公曰吾不懼也崇禎元年逆璫旣誅善繼起  
尙寶卿遷太常少卿管光祿丞事再請歸九年七月  
大清兵攻定興善繼家在江村白太公請入扞城太  
公許之與里居知州薛一鶚等共守守六日而城破  
善繼死家人奔告太公太公曰嗟乎吾兒素以身許  
國今果死吾復何憾事聞贈善繼大理卿諡忠節敕  
有司建祠子化麟舉天啓元年鄉試第一伏闕訟父  
忠踰年亦卒

贊曰士大夫致政里居無封疆民社之責可遜迹自  
全非以必死爲勇也然而慷慨捐軀冒白刃而不悔  
湛宗覆族君子哀之豈非名義所在有重於生者乎  
氣節凜然要於自遂其志其英風義烈固不可泯沒  
於宇宙閒矣

明史藁列傳

鹿善繼字伯順定興人祖久徵萬歷中進士授息縣知縣時詔天下度田各署上中下壤息獨以下田報上官屢却之執如初且核隱占田四千餘頃調襄垣擢御史帝以軍政事貶黜言官三十四人久徵抗疏申救亦謫澤州判官遷滎澤知縣未任而卒父正急人患難傾其家不惜遠近稱鹿太公善繼端方謹愨少讀王守仁書慨然有必爲聖賢之志鄙章句薄溫飽不與俗浮沉舉萬歷四十一年進士授戶部主事

內艱除起故官遼左餉中絕廷臣數請發帑不報會  
廣東進金花銀善繼稽舊制金花貯庫備各邊應用  
乃奏記尙書李汝華畱以給餉帝怒奪善繼俸一年  
令補進善繼以死爭乃奪汝華俸二月降善繼一級  
調外汝華懼卒補銀進泰昌改元復原官典新餉連  
疏請發帑百萬不報天啓元年遼陽陷以才改兵部  
職方主事爲尙書崔景榮草疏請罪且請逮治逃將  
御史游士任馬逢皋有所庇詆善繼爲小臣善繼憤  
抗疏曰臣等固小臣御史獨大臣乎御史橫朝端而

曹郎昌言常居其半人各有品安可輕也疏上卽日  
出署帝不許時言路勢張善繼獨與抗高攀龍薦善  
繼剛毅肯任事請以職方兼御史督輦下保甲教民  
忠義得旨允行竟不果大學士孫承宗理兵部事推  
心任之及閱視關門以善繼從出督師復表爲贊畫  
杜饋遺絕宴會布衣羸馬出入亭障閒延見將卒與  
相勞苦承宗倚之若左右手其拓地四百里收復數  
十城堡善繼籌畫爲多在關四年屢進員外郎郎中  
及承宗謝事善繼亦移疾歸崇禎元年起尙寶卿遷

定興縣志 卷八 六  
太常少卿管光祿丞事甫三載復請告歸家居與門人講學從遊者日衆九年七月

大清兵攻定興善繼時居江村長吏請入城與里居知州薛一鶚等共守親故交阻之不聽固守六日城破不屈死家人奔告其父父慨然曰吾兒素以身許國今何憾乎事聞贈大理卿諡忠節敕有司建祠子化麟舉天啓元年鄉試第一伏闕訟父忠踰年亦卒

### 定興縣志

鹿侍御封翁名府號龍江忍柔多隱德里有悍少年門前醉罵閉戶靜聽戒家人勿譁家人不能平欲以理說曰彼此時純以酒用事醒當自愧耳翼日來謝過封翁曰吾固料女之無他竟不與較侍御登第之年家人糶豆種鄉間爭糶之因雨小未芽糶者以爲敗種也毆至門詈辱之一一倍償其價後雨足芽生苗且淳然家人輩欲送之官封翁曰吾家今年得第便有此舉人且謂我倚勢也終不校

定興縣志  
卷八  
七

定興縣志鄉賢傳

鹿久徵字子誠江村人縣令岳公相器異於逢掖中  
謁送必儀門萬歷庚辰登第授息縣令時清丈天下  
田定上中下格久徵報息田皆下藩司勒如格堅稱  
原無堪上中者請而駁駁而請至四藩司不能奪六  
越月艱歸息民頌碑屹立矣復補襄垣奇荒異政茶  
蓼自將五年如一日嘗謂吾所爲不必語人語人必  
不信然亦不必人信吾安吾心耳選授御史人不敢  
干以私亢旱上飭百官修省久徵謂天之怒不專在

定興居士家譜 卷八 八  
百僚回天之政不專在靡文陳修省之實三事省聖  
躬禁酷吏恤民隱上納之尋丁外艱復補江西道時  
倭數警經略宋應昌不展一籌被代獻倭圖倭器意  
懷觀望久徵疏斥乃愴惶去及按蘇松興革十六事  
各中機宜比代還會上以司馬曹軍政事移怒南北  
臺省斥五十餘人馬侍御經綸有言亦鐫職且嚴諭  
閉來者久徵仍毅然疏抃辭激切蒙譴判澤州由是  
直聲動中外從謫所旋里杜門謝客教子孫讀書泊  
如也當事者疏薦無慮十數銓部請召還不得後乃

有滎陽之擢搆疾不起久徵平生室無旁媵門無狎  
友雅與范奉政一泉善俱諸生時郡守某政聲狼藉  
顧貌類公范戲以相儼公笑曰吾形其形不心其心  
其終身品概券此語子正孫善繼曾孫化麟各有傳  
祀鄉賢



定興縣志鄉賢傳

鹿正字以道諸生以子善繼貴累封太常寺少卿方嚴有道骨浼視寵利醉心於忠義節烈子善繼以金花被譴喜動顏色天啓中闔禍熾羅織海內正人如周魏左皆子莫逆交三家子弟賓客往來正皆左右之且釀金佐誣賊義聲載路或爲正危不顧曰吾豈惜一身爲吾子蘭譜辱哉正爲名侍御子居家布袍素履奉母孺人踰耄正亦七十矣尙孺子慕制辭有云乃父寢疾三年未解衣裙爾母孀居一日不離左

定興縣志卷八  
右可謂孝矣其高節懿行不勝書

定興縣志鄉賢傳

鹿善繼字伯順賦形瓌偉少卽嶷然無溫飽意諸生  
日布袍草履謁一泉范先生語次以做人爲柄大服  
佩之終世賢書后曾以義憤要容城孫孝廉奇逢了  
邑不平事萬歷癸丑登第主戶部山東司事與其僚  
袁世振籌天下鹽法議皆不刊內艱歸以籽粒爲邑  
百年害爲之籌十載經百折竟得改折征復補河南  
司會遼餉告急廣東金花銀適至奮然持議發遼神  
宗震怒鐫級謫外大臣臺省力爭不報逕歸泰昌登

定典周上家言 卷八 十一  
極首復其官尋改兵部職方念時事孔棘大法不伸  
腐心疾首率同官耿如杞等代大司馬崔景榮草疏  
內云乞將臣速正典刑某逮某斬某戴罪以彰國憲  
神宗半爲允行御史馬逢皋劾以小臣無忌憚疏辨  
卽日出署詔趣還部愈一時持法士氣賴以振未幾  
從孫高陽閱榆關師時擬用之銓部力辭與孫高陽  
密畫恢遼疆四百里車營成高陽決策渡河同善繼  
入奏時魏璫新竊柄有言高陽且與晉陽甲者璫恚  
謀減兵以掣之高陽得請善繼亦罷去崇禎改元誅

璫召爲壘卿懷靖節歸來圖以登車曰不敢負也旋  
擢少奉常管勲丞事己巳冬東師西下善繼建議起  
高陽出馬世龍於獄畀將篆卒以復城清塞功第一  
有短狐欲射之引疾歸與同志講學江村夷然不屑  
也其學從餘姚折衷伊洛出入朱陸歸宿於做人一  
言以做人爲人生根本以希賢希聖希天爲做人規  
模以正心誠意爲做人把柄以知恥爲做人機竅以  
視聽言動爲做人所藉以通天下之關津以非禮奉  
承軀殼爲自壞其人者又一意實踐神嘗內守故不

屑屑與古今人角同異滋議論其見卓哉丙子殉城  
朝廷贈大理卿予祭葬廕子典極渥核品行也不專  
以死事善繼道德風節海內所瞻獨文筆知之者鮮  
范橘州鈔而敘之擬諸歐陽子西蜀陳太史盟深躋  
之

定興縣志鄉賢傳

鹿化麟字石卿善繼子生有夙惠德器穆然自童子  
至諸生試輒爲首登辛酉榜第一人乃竟無名世氣  
公子氣北海亭義問浹海內所納客皆化麟與朝夕  
宋給諫玫薦其學行應聘堅辭不就奉常丙子難徒  
跣請卹以毀沒北海亭集八卷行於世

定興縣志

鹿涅江村人年少時多力而尚義每急人之難有推

興縣舊志義行傳解之風一日赴市歸日已暮見一醉人枕囊臥車轍

中二兇人遠伺之將為不利叱之去因呼其人而問

之知為買網巾者腰有重資路逢覆車之酒飲而醉

計途尚遠恐為二兇所尾及因親扶送之固城交之

店主財與貨毫無所失人高其義子二善治舉丙子

賢書善平今現首貢皆慨爽有父風

定興縣志

鹿惺江村人年少時多力而尙義每急人之難有推解之風一日赴市歸日已暮見一醉人枕囊臥車轍中二兇人遠伺之將爲不利叱之去因呼其人而問之知爲買網巾者腰有重資路逢覆車之酒飲而醉計途尙遠恐爲二兇所尾及因親扶送之固城交之店主財與貨毫無所失人高其義子二善治舉丙子賢書善平今現首貢皆慨爽有父風

崇祀鄉賢事實錄

明封太常寺少卿成字公事實

計開

一正係明祀鄉賢御史建言褒贈光祿寺卿久徵之  
子方嚴有道骨雙眸炯碧望之如神仙中人浼視  
寵利醉心於忠孝節烈逆璫時傾身急左魏諸君  
子之難海內競傳爲鹿太公云

一父侍御公寢疾躬視湯藥衣不解帶者三年常一  
夕數起假寐几榻閒微聞侍御欠伸狀卽屏息而

定興縣志卷八  
侯早夜禱瘳頭鬢爲白其侍母夫人日夕依戀率  
子孫輩稱觴戲綵備極愛日之誠其制辭有云乃  
父寢疾三年未解衣裾爾母孀居一日不離左右  
紀實也入志

一丁內艱年逾七十矣猶寢苦三載弗飲酒弗茹葷  
哭泣如禮終身之慕殆謂是與

一篤念手足克盡怡怡與弟直友歡花萼嚶鳴垂白  
無閒其孝友蓋出於天性云

一蠲貲助修學宮一瓦一椽竭心血爲奏辦漏者葺

之腐者易之頽者立之圯者新之經營凡四閱月  
廟貌煥然詳縣志

一左忠毅光斗魏忠節大中周忠介順昌皆奉常死  
友左魏觸逆璫魏忠賢矯旨逮問誣坐左公贓二  
萬魏公贓五千奉常時在關正與孫化麟開北海  
亭內兩家子弟冒炎蒸策蹇釀金於好義者冀完  
贓可免慷慨發舒千里響應時網羅密布而釀金  
應比聲闐長安有爲正危者毅然不顧第曰七十  
老人籌此已熟不知命無以爲君子生平豔殉義



定興居士家譜 卷八  
死豈肯惜一身爲吾子蘭譜辱哉未及完左魏斃  
杖下仍散前所贖金有不肯入者欲以賻左公未  
得便而周公順昌又逮時奉常已家居力謀拯之  
卒不獲順昌亦死卽以前所餘金爲斂資更爲貸  
百五十金俾其所親護喪歸於是奉常父子祖孫  
義問塞天壤然竟不及禍天實爲之有魏孝子學  
伊呈太公百韻及歸安茅元儀乙丙紀事戴司農  
明說爲繪乾坤北海亭圖而繫以詩並詳縣志  
一嘗偕容城孫孝廉奇逢過闕里謁 孔林徘徊瞻

注曰我輩爲聖人之徒不一履其居展其墓得無  
令端木氏笑人耶嚮逞尼山可覘篤摯

一崇禎己巳京師戒嚴豫撫范景文帥師入衛憂餉  
缺正倡義助之行誼素孚人皆響應得米數百斛  
士氣以振

一割腴田數十畝代合族貼軍令子善繼移呈邑令  
畢公自肅印批以垂永久沐義者勒石紀之

一鰥居日尙未逾壯太常欲擇一侍子奉起居不許  
且曰若以而翁爲苦耶吾自覺無不足處風雨蕭

定興縣志卷八  
然彌發嘯咏聞者莫不嘆爲真丈夫故制詞有梁  
案久塵温臺永閉之句

一生平以勤儉持家而卹人之急甚於己當厄之與  
寧直無難色恆慮人有難盡之言每曲意先之中  
表劉正心以一言之諾贍其妻子終身爲娶婦二  
嫁女二蓋慷慨好施自天性云

一素性朴簡一切聲色服御玩好之物不交於目嘗  
謂生不能挽流俗而席祖父以自張藉子孫以自  
奉此其人殊堪嗚噓阜綈草履菽食菜羹老而不  
厭年八十出入徒步里閭中士論高之

一庭訓以聖賢勸課子弟奉常自幼未常北面塾師  
而業就卒爲一代大儒方奉常借發金花被謫馳  
書諭云官無不止之日只要止其所當止乃不負  
爾祖爾奉常筦鑰時立章程當面兌領銀不入庫  
吏勿得上下其手官乃盡絕羨餘正知之掀髯曰  
是真清白吏子孫哉迄奉常仗義靖節正聞變於  
容城援筆諭孫化麟曰汝父求仁得仁死亦何恨  
而化麟卒以毀歿其自處與爲子若孫處者無論

定興縣志卷八  
富貴於生死之關又何如也逸史茅元儀輓詩曰  
忠臣孝子兩兒孫雖人各自立而醴泉芝草厥有  
淵源矣高節懿行不勝書

明太常寺少卿贈大理寺卿忠節公事實

計開

一善繼端方謹愨歸然如斷山小章句薄温飽慨然  
有必爲聖賢之志故能崛起北方倡明絕學以做  
人爲人生根本以希賢希聖希天爲做人規模以  
正心誠意爲做人把柄以知恥爲做人機竅以視

聽言動爲做人所藉以通天下之關會以非禮奉  
承軀殼者爲自壞其人生平一意實踐神常內守  
不屑屑與古今人角同異滋議論爲一家言孫徵  
君奇逢敘理學宗傳自董江都以至善繼謂爲理  
學中之子靜伯安又敘忠臣自方正學以至善繼  
謂與高景逸劉念臺同以理學而兼忠節載其行  
誼語錄極詳所著有認真草四書說約認理提綱  
尋樂大旨塵譚無欲齋詩各若干卷行世  
一遭母夫人喪慟幾絕勺水不入口者七日父正數

定興縣志卷八  
抵喪次勉以大禮始有起色席塊三年哀毀侵濕  
終身步蹒跚人稱其至孝

一任戶部河南司主政暫署廣東司事時兵餉缺大  
臣請還金花銀於計部不許會廣東解金花銀至  
善繼遂奏記於大司農曰每歲廣東金花銀恭進  
大內此近例也頃督部有扣畱之議此時仍進大  
內則部議終成畫餅欲徑解太倉則兪旨艱如拔  
山莫若借發爲便如干宸怒願以身甘罪大司農  
疏聞詔鑄一級補外不得朦擢閣部臺省交章申

救俱不報善繼因兩疏乞休亦不報候命兩閱月  
徑歸直聲動天下

一任職方時一意持法大司馬輟部事行邊請用廢  
弁張思忠爲將思忠故猾吏也爲姦宄都市中善  
繼與同官耿如杞力執不可揆地擬旨切責有司  
官豈得違阻之語耿謝病不起善繼乃上書首揆  
曰本兵在部其所爲有與功令不合者方且事事  
爭執何獨行邊而不可且言莫予違可以喪邦天  
子且容廷臣之獻納何獨行邊而不可勿謂能違

定興府志卷八  
阻之職方爲易得勿謂去能違阻之職方爲小失也侃侃而諍首揆不堪其言然事竟格是時言有職方無大司馬朝陽鳴鳳庶幾似之

一在農曹時督圍政清冒破數百緡於奄豎之手幾及禍不避典新餉嚴立章程解者至自封識寄於庫領者至卽面衡以交之官爲持平而不爲出入羨餘盡絕吏亦不得上下其手司農以主庫爲脂此法立便如水矣常題聯於署云官有私瞞不過吏不怕對天對地對神明則怕對吏士無恥成不

得人謾言做聖做賢做豪傑只言做人其忠挺清勤可謂上不負君而下不負所學

一細大兼營到處修明職掌起陞奉常卿管光祿丞事物望旣高士論攸歸猶勤於吏事如初服官時清麻連三百餘金張北倉米八百餘石苟裨公家不辭嫌怨

一職鹽法與其僚袁應振精心鹽筴爬梳利病洞悉原委所著有粵東八閩鹽法議皆不刊

一孫公承宗輟綸閣視師善繼請從朝議欲居之銓

曹力謝曰善繼鬚眉男子肯回頭作吏部郎乎人服其恬孫公嘗云伯順在坐使人非幾盡杜儼若嚴師其助我神明者不止謨謀矣至嚴饋遺絕請託冷面辣手朝齏暮鹽尤古軍中所未有

一逆璫魏忠賢柄政樞輔入請對善繼從璫疑爲清君側惡幾不免忠賢羅織清流楊左魏周相繼逮封太常正舉義爲助破柱爲匿經紀周悉善繼聞而又力助之益幾不免遂拂衣歸里時燕趙之士皆階璫驟貴善繼獨與吳橋范公景文凜凜自持

堅臥不起天下咸曰悲歌慷慨之氣盡萃於二公矣

一定興有地千餘頃窪謙不任犁鋤故永弗稅黠者以獻勲戚璫豎奏請遂賦之於民以爲莊歲所徵不登則以累其門且以累其鄉民盡烏獸散善繼爲力言之當事求以折徵法寬之璫豎激宸怒禍且不測善繼奮髯曰羅文恭不云乎此生活得干人命甘心不向世外求慘淡經營者十餘載其事終以濟十場之民咸尸祝之迎薰門外有籽粒折

徵碑至今存

一恬於仕進登第後蕭然無謁選意每日花樣不時奈何入世勉起爲司農郎以發金花歸賜環贊樞輔觸逆璫歸起陞奉常尋移疾歸庶幾難進易退者與

一究心理學教授生徒以紹往開來爲己任痛除將就冒認影響浮游之病而一言一動觸處逢源說約一編日與同人諄復口授四方來學者以數百計舍不能容隣居僧院幾無閒室彬彬有鄒魯風

一明末丙子秋七月定興破善繼死之子化麟具疏請卹下部議內外諸司奏其生平大節爲一代理學真儒特贈大理寺卿廕子建專祠賜諡祭葬如禮善繼爲人孝弟忠信明允篤誠辭受取予如水之有坊而不以一節加人是非可否如食之必吐而不以一眚掩人以身命歸君父以心膽質鬼神以深心冶鑄善人以至誠變化異類江村之上河汾濂洛不是過焉畿南之士殖學修行鏃礪自好者不問而知爲鹿氏之徒其道之不行而以完節

定興縣志卷八  
自見則天也生平道德風節詳載行狀年譜誌傳  
碑銘及史冊邑乘中

明解元贈文林郎怡雲公事實

計開

一化麟生於有道之家一切塵氛未經點染苦志下  
帷不窺戶外中天啓辛酉鄉試第一天性孝友德  
器穆然宋給諫致以品行卓越具疏薦徵檄相望  
辭不赴時稱爲徵君所著有北海亭集行世

一忠節公講學於江村戶屢恆滿不及接者化麟分  
而教之輔仁一社領袖羣英共以大道相切劘張  
南軒父子後僅見者

一生有夙慧讀書日數行下博學能文名冠畿闈乃  
竟無名士氣謙冲朴澹不露光芒人莫測其涯際  
一祖正蠲貲修學宮化麟殫力經營之復爲募引辭  
指淋漓無不人人樂助所費不貲備極巍煥縣志  
載其文

一乾坤北海亭爲化麟下帷處數椽結茅不髹不繪  
傍惟園蔬幾色灌木兩行爾乙丙間復壁醲金義



定興府志卷八  
問浹海內所納客皆化麟與朝夕事急冒暑馳赴  
榆關謀所以救左魏之策無何二公死復與祖正  
經紀其榼車高陽孫少師贊之曰舉家貪於爲善  
旨哉言乎

一省親渝水有大弁於道中餽兼金者却之厲忠節  
公聞而掀髯曰真吾子也其清凜四知有如此

一邑令胡公嘉桂有惠政忠節公倡邑人建祠祀之  
與邑人士約先登第者置祭田辛酉榜甫發化麟  
卽蠲金置地五十餘畝春秋割牲以祭至今不絕

一風格玉立望而知爲公輔器仕茲土者爭欲效款  
而嚴冷性成全無請托咸以爲可望不可卽云  
一內穎外淵飲人以和而持己特峻遠聲色屏貨利  
鄉人對之亦無敢談折柳話攫金者

一化麟偉幹美髯幾同庾信痛父死慘烈晝夜長號  
嘔血匍匐詣闕請卹膚削色墨右肩頹兩耳腊步  
蹣跚欲傾竟不勝喪死聞者人人泣下咸方之魏  
孝子學泚云孫徵君奇逢敘北海亭集曰忠孝兩  
倫父子分據各以勢會適然行所無事初無矜名

矜節之心此其粹然盎然完其所以爲子卽完其所以爲人又何恨阨於年而功業未見於世哉范銓部士楫感而傳之稱其樹惇道義德器穆然殆威鳳以九苞奇而匪以丹穴奇者僉稱曰允品行文藝並詳縣志

山西平陽府安邑縣知縣靜觀公事實

計開

一公諱盡心世籍保定府定興縣人中前丙子科舉人歷任山西平陽府安邑縣知縣家傳忠孝性秉

寬仁孩幼時逮事高祖母曾祖祖父母父母能先意承志無弗得其歡心天倫樂事極一時之盛洎祖忠節公殉難又奉父孝子解元公之諱手攜三弱弟上食曾大父封太常公淚隨匕落奉養祖母王氏母孫氏甘旨豐備愛敬肫然筮仕已久值祖母稍不怡猶丙夜長跪必色喜乃已襄葬極兩附之誠人皆稱孝

一友愛諸弟推讓撫教備至祖大理公廕秩有爲大宗諷者公悽然曰余少稟先訓名義大關聞之已

定興周氏家譜 卷八  
三  
悉業徼芘鄉書又何忍祖若父化血椎心之慘先  
吾子而後弟且奚慰曾大父衰年一慟乎卒以予  
其弟洗心聞者稱之

一公義方之誨極嚴文行並勵不少寬假諸子既長  
爲博士弟子最有聲者一事不當立加訶責故爭  
自奮勉皆成材至甥姪輩慈育教誨無異己子婚  
嫁皆爲經理祿俸所入分惠無私

一勤思祖德手輯家訓一編上自光祿迄於孝子郵  
筒寸楮無非相勉以盡倫盡道孫徵君先生以爲  
是編也可以教慈可以教孝可以教忠可以教義  
真名教干城也

一拯恤里黨大力苦心本邑地撥兌獻縣者類委以  
不毛卽可耕又抗弗予租公率邑人白諸大吏會  
勘三載始定除課找租之例經費八百餘金皆出  
公一人捐備

一公輕財嗜義戚友閒有匱急者恆不待告而周之  
其慷慨蓋天性云

一兩任司鐸教思誠懇先行誼而後文章經造就者

多顯名於世如陳宗精先生輩粹然理學尤最著稱

一任涿州學正時學使程公芳朝疏薦其品格端方學行優裕原任大學士馮公稔知其才優幹濟且識兵機有乃祖忠節公遺風薦爲軍前參謀公力辭不赴其恬於仕進如此

一任安邑值上官督墾甚厲公力請緩其事令民量力爲墾日積月累臻成功他邑峻於奉法民展轉逃亡熟者反荒上官乃獎公爲式

一公執法如山苞苴盡絕任安邑日有諸生負富商債不堪追索自縊死商故豪不欲就獄行萬金求免幕客或爲之請公曰斯言胡至哉渠罪不至抵而死者之憤待令爲伸生平所學何事乃當官昧之耶吾有七子納其賄不過各分千餘金而禍已隨之矣立責吏還其金卒論商如法

一公憐才若渴邑有童子王寬兩世孀嫠共守此子貧無卓錫地而高才嗜學公識拔置第一時學使陋例邑各分賄進一名名曰酬棚可獲千金公獨

定興縣志卷八  
以寬當之次舉卽聯捷官編修甚有名而公知人之明亦略見於此

一清真簡樸絕遠塵囂安邑俗故豪侈公一鎮以淡靜凡衙署張燈設戲及妓女參候之例一切痛絕侈豪之習爲之一變

一公方嚴謹飭雖小不苟爲令時幼子無乳疲羸日益甚家人議覓乳母公曰吾爲地方官而使民婦入衙不可也但食牛乳足矣其古致如此

一勤於吏治理繁劇邑無一事不經心經日或勸其節勞自頤公歎曰每聞吾祖恨不得爲親民吏吾幸當其任顧偷惰自安不惟負

朝廷且慚祖德矣晝夜勤劬竟以勞悴致疾卒於官一歷任以清白自守令安邑地故膏美公纖毫無所取惟務勤修職掌俾勿忝先世家風卒於官僅能歸櫬諸子凍餒且不免數載勞臣空囊如洗殆所爲蹇蹇匪躬者歟

一經學深邃論著甚多詩古文詞卓然作者書法更精妙絕倫

定興府上卷  
掌浙江道事陝西道監察御史誠齋公事實

計開

一公諱賓爲安邑公第四子中康熙壬戌科進士歷任掌浙江道事陝西道監察御史生有廟堂之度自襁褓絕不逆父母意弱冠而孤奉寡母生養死葬盡愛盡禮丁內艱年已望六猶躡踊不食形體毀瘠同官李質君先生謂公嗣聖模曰吾觀尊父一哀則點點是血獨不虞滅性乎

一公友愛諸弟養育教誨皆使成材事長姊極敬撫孤姪有恩弟妹婚嫁禮儀周備嘗曰父母之心在是苟不以爲心縱日費三牲烏云養乎遊宦時旣分俸諸弟猶泣然涕曰兄弟不聚首何以爲歡念至輒遣人數千里迎之相見則雍雍怡怡天趣橫流有孩提景象

一初任桂陽令首除里長輪差大弊自輸納正供外絲毫無所費歲省民間數萬金錢請於上官勒石垂後

一編審戶丁具有法簡要明白民不敢欺又無苛責

之弊人皆便之

- 一興學更化實德誠心每課士甲乙鼓舞丙夜不倦鄉試捐給路費士子感激爭自濯磨相繼奪魁文風丕變又請廣學額以收人才上官皆爲允行
- 一監放兵餉屏絕陋規時集營將兵目較射懸銀牌爲的中者與之兵各習射若不及有參將以偏私致兵譟者上官慮成大患公自請治之立行解散
- 一公禱雨立應桂陽嘗一苦旱公輒割俸易米賑民之饑閉閣齋戒夙興步禱精誠所感立沛甘霖

一公力止開礦不貪厚利消患於未萌

- 一教民稼穡桂陽多水田而賤棄山田公召民種麥親至田間慰勞又俾還倉以一麥抵兩穀民爭種之利遂大興

- 一奉文丈量便民省費桂陽山邑千巖萬壑清丈實難公神明默運謂邑人曰而各丈而田吾事畢矣及報冊畢集乃閒往抽丈糧額允符民無勞費荒田未盡墾者他邑迫嚴檄率報熟公獨曰熟則熟荒則荒累民便官吾弗爲也卒以實上

定興府志卷八  
三  
一公廉潔剛方絕不取民以媚上爲令八年倉庫無一絲一粒虧闕每三月一造交盤冊曰吾所以爲此期於朝罷而夕就道耳以故上下之間其賢者旣感於秉彝之好不肖者亦知葉視一官而非勢力所能屈也

一爲御史前後條奏甚多如請慎選教職簡用知府以及錢法救荒等疏皆究極根本可大可久非徒屑屑抉摘細事以爲直

一公清執法凡核擬會審無不細心推求情理期無冤濫有回民命案揮金求脫獄獨公不爲之動論抵如法聲震京師諸所爲類是

一兩巡西城令行禁止不畏強禦執法一破情面寬行戶禁差派表孝義崇學校嚴賭博飭番捕所部盜賊絕跡發奸摘伏抑強扶弱凡有益於民者無不以身任之時情交際一概謝絕

一凡遇會議理所不可直言駁正卽大僚弗顧以是招忌遂被中傷優游林下者十年癸巳春  
皇上知公素清直



特旨復還原職蓋異數也

一公未仕及里居無念不爲鄉里省徭薄賦前後賢令所除陋規多感公言而爲之者

一學術醇茂日以學行砥礪及門掇甲乙及有名於時者甚衆

一居鄉安靜食貧守約足跡不及公門有司造廬請謁辭謝不得已一再見所訪諸利弊皆爲慷慨言之期有濟於物薄於自奉衣冠僕馬弊陋荒簡見者不知其爲達官也

一公端方勁直磊落光明古貌古心與人交不岐面背見義所當爲奮然爲之從不以利害阻至梓里事有不平輒爲正言極論至以身捍之雖顛頓弗恤也

一生平落落恆閉門却掃在臺日門可羅雀塵常滿案日食豆腐豆芽友人戲呼爲二豆御史所許可甚嚴縱意有極契亦無多往還終月不拜一客其常也家居日門高風峻被接見者鄉黨稱榮

一公雅負人倫鑒取舍人物恆以一言定其終身數

十年後驗如操券

一著述甚富皆原本正學力閑詭僻之習學者傳鈔甚盛而不以付梓嘗曰斯道無有窮極一息尚存所造日異豈可遽災梨棗爲他時之悔乎所見之卓如此故遺稿數十卷皆藏於家

